

101 Fu letto *una lettera di sier Zuan Contarini*, Cazadiavoli *sopraditto, proveditor di l'armata, di Trani, di ultimo, scritta a sier Leonardo Emo el consier*. Suplica li sia mandà la galla *quinquereimes* fatta far per Vettor Fausto in l'Arsenal, con la qual promette far gran cose e prender 4 galie di Andrea Doria.

Noto. Hozi fo letto *una lettera di la Valone, in galra, di sier Nicolò Trivixan proveditor executor, di* Avisa, come hessendo venuto a Trani per levar fanti e monition per condurli a Monopoli, hessendo su la galla Bondimiera, soracomito sier Francesco, andando verso Trani li arsaltò una fortuna grandissima a di Marzo, sichè essa, la galla, ha convenuto venir di longo per il vento per salvarsi, et è zonto li a la Valona; la qual havia suso da fanti

In questa matina, hessendo reduti in questa città nel monasterio di San Zane Polo li frati, deputati al capitolo di la provintia, di San Domenego, per far il suo provincial, qual dura 4 anni; et è venuti da zerca numero tra li qual 53 voti reduti, *omnium consensu* feno loro provincial maistro Damian venetian, eccellente predicator, el qual è quello ha fatto la spexa del viver a li ditti frati.

Da Brexa, fo letto hozi in Pregadi una lettera, di rectori, quali mandano una lettera li scrive il podestà di Lonà che è brexan. Come il signor Alvise di Gonzaga, qual sta al Castion di le Staiere, par sia fato soldato de l'imperador, per quello ha inteso, benchè suo fratello Piro da Gonzaga, qual è a Milan, li habbi scritto è mal pagato etc. *Item*, alcuni avisi di le cose di Alemagna.

101* *A dì 11, Domenega*. Fo terminato non far Gran Conseio, et zà do Domeneghe è passade senza Conseio, et far Pregadi.

Vene l'orator di Franza con quel Zuan Joachin, et fo parlato zerca le cose di Puia etc.

Vene li oratori del duca di Urbin, et fo ultimato li capitoli di la nova conduta di lui et del fiol, et sottoscritti, et ordinato levarli in pubblica forma con bolla d'oro.

Fo parlato di far provision in mandar barche grosse in Puia, et aricordato sier Zorzi Diedo qu. sier Antonio da Ruigno, fo dacier del vin, haversi offerro. Fo mandato per lui, el qual di novo se offerse andar con barche di 300 stera l'una et far etc. *unde* fu terminato meter hozi la parte in Pregadi.

In questa matina, tre soracomiti novi messeno banco, sier Hironimo Contarini di sier Andrea, sier Lorenzo da Mula di sier Agustin, et sier Michiel Salamon qu. sier Nicolò.

La terra, di peste, heri 4, tre caxe nove et una vechia.

Da poi disnar, fo Pregadi, et il Serenissimo vene vestito di scarlato per la morte di la moier fo di sier Francesco Pixani *Fantoheo*, fo Gritta.

Vene in la sua camera sier Filippo Bragadin qu. sier Zuan Francesco, era nobile su la galla del proveditor Contarini di l'armada, naufragada, con uno barnuso atorno, qual zonse hora et portò le lettere del ditto proveditor più vechie di le altre.

Da poi dinar, adunca, fo letto *una lettera di sier Polo Nani proveditor zeneral, da Trevi, di 8*. Zerca danari si mandi, perchè li lanzinech et sguizari hanno compito le page. *Item*, sguizari del canton di Undervalden hanno hauto uno comandamento di soi signori che debbano levarsi di campo et ritornar a caxa, sotto pena di l'honor, di la facultà et de la vita.

Da Brexa, di rectori, di 9. Mandano una relation di avisi di le cose di sopra, la qual sarà notada qui avanti.

Fu posto, per li Consieri et sier Hironimo Contarini cao di XL viceconsier, una taia a Portole, che una Cecilia ha amazado suo marito, come appar per lettere del Podestà di 27 Marzo passato, però messeno darli autorità di metterla in bando di terre, lochi etc., et di questa città, con taia viva lire 800 et morta 600, et poter confiscar li soi beni. Ave: 170, 3, 2.

Fu posto, per tre Consieri et sier Hironimo Contarini vicecao di XL dar il possesso di la capela di San Zorzi de Chirignago sotto San Lorenzo di Mestre a prè Filippo di Zanachi, habuta per renontia da prè Nicolò Bianco, appar le bolle di 20 Marzo 1528. Ave: 141, 5, 9.

Fu posto, per li savi del Conseio, absente sier Hironimo da chà da Pexaro, savi a Terraferma, 102 absente sier Marco Antonio Corner, et savi ai Ordeni, una parte di dar uno arsilio a sier Zuan Contarini proveditor di l'armada, con altre clausole, *ut in parte*. La copia è notada qui avanti. Et mandar 1000 ducati a le zurme.

Et sier Gabriel Moro el cavalier, censor, contradise, dicendo è contra le leze, come la galla è rotta, mariner scapolò etc. Et intrò su la guerra si fa injusta contra l'imperador etc., per esser lui tutto imperial.